

Denter di poko bo ta bai studia na Hulanda?

E ora ei ta importante pa bo regla algun asunto promé ku salida i despues di yega Hulanda

Pa studiantenan for di:

Boneiru

Saba

Sint Eustatius

Aruba

Sint Maarten

Kòrsou

Tuma nota: studiantenan for di Boneiru, Saba i Sint Eustatius ku ta biaha pa Hulanda huntu ku guia, ta haña asistencia ku pasonan 2, 5, 6 i 7.

Paso 1. Kanselá bo inskripshon den e atministrashon di persona (PIVA)


Denter di 10 dia promé ku bo salida, bo ta kanselá bo inskripshon den e atministrashon di persona (PIVA). Esaki bo ta hasi na e departamento di Registro Sivil. E komprobante di kanselashon di inskripshon ta un di e dokumentunan ku bo mester pa e inskripshon na e Basisregistratie Personen (BRP, Registrashon Básiko di Persona) na Hulanda. Na momentu di e kanselashon di inskripshon bo ta indiká na kua munisipio hulandes bo ta bai biba. Departamento di registro sivil ta manda bo fail na e munisipio ei.

Tuma nota: Bo ta inskribí bo mes na un otro munisipio hulandes ku esun ku bo a indiká na momentu ku bo a kanselá bo inskripshon? Esaki por trese un retraso di algun siman kuné pa e inskripshon den e BRP paso mester bolbe manda bo fail na un otro munisipio.

Paso 2. Sita pa inskripshon den e BRP

Promé ku salida informá si ta posibel pa traha un sita pa inskribí den e BRP na e munisipio hulandes kaminda bo ta bai biba, promé ku bo yega Hulanda. Denter di 5 dia despues di yega Hulanda bo mester inskribí bo mes den e BRP na e munisipio kaminda bo ta bai biba. Wak riba e wèpsait di e munisipio si for di promé ku bo salida bo por traha un sita.

Tep: Puntra na e munisipio kaminda bo ta bai biba òf na e instituto di enseñansa kaminda bo ta bai studia, si nan ta organisá dianan di inskripshon pa studiantenan. Tin bia munisipionan tin sitanan speshal òf dianan di inskripshon pa studiantenan, pa bo inskribí bo mes den e BRP. Tin bia skolnan tambe tin akuerdonan tokante esaki ku e munisipionan.



Rijksoverheid



Paso 3. Dokumentunan pa inskribí den e BRP

Dokumentunan ku semper bo tin mester:

- un pasport bálido
- e komprobante original di e kanselashon di inskripshon di e atministrashon di persona (PIVA).
- e komprobante di e adrès na Hulanda, por ehèmpel un kopia di e kontrato di hür òf un karta firmá i kopia di e karnèt di identifikashon di e habitante prinsipal di e kas, sí e persona ta duna pèrmit pa bo biba den su kas.

Tin bia un munisipio ta pidi tambe pa:

- un sertifikado di nasementu: apliká pa esaki na e departamento di Registro sivil di e lugá kaminda bo a nase. Bai Hulanda ku e akta original. Si bo mayor no a rekonosé bo, bo mester di un sertifikado di nasementu tambe pa por apliká pa finansiamentu di estudio. Bo no a nase den e parti Karibense di Reino? Apliká pa un sertifikado di nasementu (di eksterior) na tempu i den kaso ku esaki ta nesesario laga legalisá i tradusí esaki. Pa mas informashon subi riba riba: nederlandwereldwijd.nl
- pèrmit di bibienda: na sierto munisipio bo mester di un pèrmit di bibienda si bo ta hür un bibienda sosial òf ta bai biba serka un hende ku ta hür un bibienda sosial. Un pèrmit di bibienda bo ta pidi promé ku inskripshon den e BRP na e munisipio.



Paso 4. Formulario pa mas informashon di BSN


Bo a solisitá pa finansiamentu di estudio? Via pòst bo ta risibí di DUO un 'Bericht studiefinanciering' (Mensahe di finansiamentu di estudio) i e 'Formulier bevraging BSN'. (Formulario pa mas informashon di BSN). Bai Hulanda ku e formulario aki.



Mi ta bai!



Bo a Yega Hulanda!



Paso 5. Inskribí den BRP i risibí BSN

Inskribí bo mes denter di 5 dia despues di bo yegada na Hulanda den e BRP di e munisipio kaminda bo ta bai biba. Traha un sita pa esaki na e munisipio. Un inskripshon den e BRP ta obligatorio si bo ta keda mas largu ku 4 luna na Hulanda. Despues di inskripshon bo ta haña un Burgerservicenummer - BSN (Number di serviso sivil), ku bo mester pa apliká pa un Digitale Identiteit - DigiD (Identitat Digital), supsidio adishonal online i pa habri un kuenta di banko hulandes.

Tuma nota: Por dura te ku 4 siman promé ku bo risibí bo BSN di e munisipio. E munisipio ta manda bo esaki via pòst, na e adrès kaminda bo a inskribí.

Paso 7. Apliká pa DigiD

Ku un BSN, bo por apliká pa un DigiD, via di e DigiD app òf e 'Aanvraagformulier DigiD'. Ku un DigiD bo ta mustra ken bo ta i bo por hasi trámitenan online mas fásil, por ehèmpel ku gobièrnu.



Paso 8. Duna DUO bo BSN i number di kuenta bankario

Huntu ku e formulario 'Bevraging BSN' duna DUO bo BSN i number di kuenta di banko hulandes. DUO mester di e informashonnan aki pa por asigná bo e produkto di biahe pa estudiante i pa bo registrá pa Mijn DUO. Ku e number di kuenta bankario DUO por paga bo e finansiamentu di estudio.



Paso 6. Habri un kuenta di banko hulandes

Despues ku bo risibí bo BSN, bo por habri un kuenta di banko hulandes. Ta online so bo por habri un kuenta bankario hulandes? Hopi bia bo tin mester di un pasport hulandes e ora ei den kual bo BSN ta indiká. Bo no tin esaki? Traha un sita e ora ei na e ofisina di e banko.

Unda bo por bai?

Adrèsnan importante

Personanan di kontakto inskripshon BRP

Bo ke mas informashon tokante e inskripshon den BRP i e dokumentunan ku bo mester pa esei, promé ku bo salida? Tuma kontakto ku e personanan di kontakto lokal.

Aruba: info@censo.aw

Kòrsou: info.bsbv@gobiernu.cw

St. Maarten: burgerzakensxm@sintmaartengov.org

Boneiru: burgerzaken@bonairegov.com

Sint Eustatius: census.office@statiagov.com

Saba: censusmail@sabagov.nl

Link i informashonnan útil

Dienst Uitvoering Onderwijs - DUO

Pa aplikashon pa òf preguntanan tokante finansiamentu di estudio

www.duo.nl/antillen

Rijksdienst Caribisch Nederland

Informashon tokante studia na Hulanda i e opstarttoelage

(grafifikashonisial)

www.rijksdienstcn.com/studiefinanciering

studiefinanciering@RijksdienstCN.com

Arubahuis

E departamento di Enseñansa di Arubahuis (Kas di Aruba) ta duna informashon i instrukshonnan na studiantenan di Aruba promé ku nan sali pa Hulanda. Na Hulanda nan ta yuda ku e akohida i guia di studiantenan ku fianza pa estudio for di Aruba. Den kada region hulandes tin un mètòr di estudio ku ta guia e studiantenan.

www.arubahuis.nl/afdelingen/onderwijs

www.ea.aw/pages/studia-na-hulandaw

info@arubahuis.nl

arubalening@ea.aw (fiansa di estudio)

Stichting Studiefinanciering Curaçao (SSC)

Na Kòrsou SSC ta atendé ku e aplikashonnan di finansiamentu di estudio pa studiantenan for di Kòrsou. Na Hulanda e departamento ta sòru pa akohida, guia i bibienda pa e studiantenan. Kada region di Hulanda tin mètòrnan ku ta guia e studiantenan.

www.ssc.cw

info@ssc.cw

Dienst Studiefinanciering Sint Maarten (DSF)

DSF ta regla e finansiamentu di estudio adishonal pa e studiantenan for di Sint Maarten. Na Hulanda tin mètòrnan i "buddy's" ku ta asistí i guia e studiantenan ku un fianza di estudio.

www.studyfinancing-sxm.com

info@studyfinancing-sxm.com

Mas pregunta?

Bo tin mas pregunta tokante e inskripshon den e BRP na Hulanda òf pa haña un BSN? Tuma kontakto ku RvIG, via info@rvig.nl òf 088 900 1000.

Kolofòn

Rijksdienst voor Identiteitsgegevens

Ministerie van Binnenlandse Zaken en Koninkrijksrelaties

Postbus 10451 | 2501 HL Den Haag

www.rvig.nl